

Alberto Iñurategik irekiko du 2018ko txotx bolada urtarilaren 15ean

Sagardoaren Lurraldeak antolatuta, urtarilaren 15ean (astelehena) XXV. Sagardo Berriaren Eguna 2018 ospatuko da 2018ko txotx boladari hasiera emateko. Aurtengo gonbidatua, Alberto Iñurategi eskalatzaile eta mendizalea izango da.

Zorione Etkezarraga Astigarragako Alkatea eta Sagardun Partzuergoko Lehendakaria, eguerdiko 12:00etan **Sagardoetxean** ospatuko den **aurkezpen ekitaldiko** buru izango da Eusko Jaurlaritza eta Gipuzkoako Foru Aldundiko ordezkariekin batera, eta bertan, uza berria aurkeztu eta sagarraren eta sagardo berriaren ezaugarrien berri emango du, sagardoaren munduko gertaera garrantzitsuenekin batera.

Urtero bezala, hogeita bosgarren aldi honetan ere, ekitaldiko unerik garrantzitsuen **txotx irekierakoa** izango da. Astigarragako **Gurutzeta sagardotegian** "Gure Sagardo Berria" oihu egingo du **Alberto Iñurategi** eskalatzaile eta mendizaleak lehen kupela irekitzean, eta honekin batera, **2018ko sagardo denboraldi berria** irekiko da. Aldez aurretik, Sagardoetxeako sagastian **sagarrondo** berri bat landatuko du Alberto Iñurategik. Ekitaldi sinboliko honekin, naturaren dinamikotasuna eta berritzeko ahalmena azaldu nahi dira, urtetik urtera mahai batean sagardoaren bueltan esertzeko aukera eskaintzen baitigu.

Aurten, gainera, Sagardo Berriaren Egunaren hogeita bosgarren edizioa izanik, **aurreko urteetako gonbidatu** batzuk 2018ko txotx irekiera honetan izango dira.

Egitaraua:

11:30-12:00: Akreditazioen banaketa Sagardoetxean.

12:00: Prentsaurrekoa Sagardoetxean. Bertan azalduko dira 2017ko uztaren ezaugarri nagusiak, sagarraren eta sagardo berriaren ezaugarriak eta sagardoaren munduko gertaera garrantzitsuenak.

12:45: Alberto Iñurategik sagarrondo bat landatuko du Sagardoetxeako sagastian.

13:30: Txalapartarien deiarekin batera sagar dantza dantzatuko da, eta ondoren, sagardogileek Alberto Iñurategi soka dantzan parte hartzera lagunduko dute lehen kupela irekitzera.

13:45: Gurutzeta sagardotegian "Gure Sagardo Berria" oihu eginda lehen kupela irekiko du Alberto Iñurategik, eta honekin batera, 2018ko txotx denboraldi berriari hasiera emango zaio. Ondoren, denboraldiko sagardotegiko lehenengo menua dastatuko da.

Protagonista izan ziren...

1994, Andoni EGANA bertsolaria.

1995, Jose Mari BAKERO futbolaria.

1996, Javier CLEMENTE entrenatzailea.

1997, Julian RETEGI pilotaria.

1998, Miguel INDURAIN txirrindularia.

1999, Juan Mari ARZAK sukaldaria.

2000, Pedro Miguel ETXENIKE fisikaria.

2001, Joane SOMARRIBA txirrindularia.

2002, Martín FIZ lasterkaria.

2003, Abraham OLANO txirrindularia.

2004, Periko, Mikel y Xabi ALONSO.

2005, Ainhoa ARTETA sopranoa.

2006, Jose Luis KORTA arraunlaria.

2007, Juan MARTINEZ DE IRUJO pilotaria.

2008, Andoni LUIS ADURIZ sukaldaria.

2009, Aimar OLAIZOLA pilotaria.

2010, REAL SOCIEDAD DE FUTBOL futbol taldea.

2011, Karlos ARGUIÑANO sukaldaria.

2012, Julian IANTZI aurkezlea.

2013, LA OREJA DE VAN GOGH taldea.

2014, KALAKAN taldea.

2015, LOREAK filmeko protagonistak.

2016, ARITZ ARANBURU surfaria.

2017, ENEKO ATXA sukaldaria